

李賀歌詩集序

大和五年十月中半夜時舍外有疾呼傳緘書者收
曰必有異亟取火來及發之果集賢學士沈公子明
書一通曰我凶友李賀元和中義愛甚厚日夕相與
起居飲會賀且死嘗授我平生所著歌詩離雜爲四
編凡二百二十三首數年來東鹵南北良爲已失去今
夕醉解不復得寐卽開理篋帙忽得賀詩肯所授我
者思理往事凡與賀話言嬉遊一處所一物候一上
一夕一觴一飯顯顯然馬無有忘棄者不覺出涕賀
復無家室子弟得已給養卹問常恨想其人味其
言止矣子厚於我與我爲賀集序盡道其所來錄亦
少解我意牧其父不果已書道不可明日就公謝且

曰世謂一作賀才絕出肯讓居數日牧溪惟公曰公於詩為深妙奇博且復盡知賀之得失短長今實叙賀不讓必不能當公意如何復就謝極澁所不設叙賀公曰子固若是是當慢我牧因不設復辭勉為賀叙然其甚慙唐皇諸孫賀字長吉元和中韓吏部亦頗澁其歌詩雲煙綿聯不足為其態也水之迢迢不足為其情也春之盎盎不足為其和也秋之明潔不足為其格也風檣陣馬不足為其勇也瓦棺篆鼎不足為其古也時花美女不足為其色也荒國侈殿梗莽丘壠不足為其恨怨悲愁也鯨喙鼉擲牛鬼蛇神不足為其虛荒誕幻也蓋騷之苗裔理雖不及辭或過之騷有感怨刺對言及君臣理亂時有臣激發人意

此下鈔補

乃賀所為無得有是賀復一作能探尋前事所臣深歎恨古今未嘗經澁者如金銅仙人辭漢歌補梁庾肩吾宮體謠求取情狀離絕遠去筆墨畦逕間亦殊不能知之賀生二十七季歿矣世皆曰使賀且未歿少加臣理僕奴命騷可也賀歿後凡十有某一作五季京地杜牧為其序

目低一格分上下排

歌詩編目錄

卷第一

李憑箏篋引

殘絲曲

還自會稽歌

并序

出城寄權璩楊敬之

示弟

竹

同沈駙馬賤得御溝水

始為奉禮憶昌谷山居

七夕

過華清宮

送沈亞之歌 并序

詠懷二首

追和柳惲

春坊正字劍子歌

貴公子夜闌曲

雁門太守行

大堤曲

蜀國絃

蘇小小歌

夢天

唐兒歌 杜幽公之子

綠章封事 為吳道士
夜題作

河南府試十二月樂辭十三首 并閨月

天上謠

浩歌

秋來

帝子歌

秦王飲酒

洛姝真珠

李夫人

走馬引

湘妃

李賀詩集 南園十三首

第二卷

高言目金
金銅仙人辭漢歌并序

古悠悠行

黃頭郎

馬詩二十三首

申胡子鬢篋歌并序

老夫採玉歌

傷心行

湖中曲

黃家洞

屏風曲

南山田中行

貴主征行樂

酒罷張大徹索贈時張初効潞幕

羅浮山父一作人与葛篇

仁和里雜叙皇甫湜湜新尉陸渾

宮娃歌

堂堂

勉愛行二首送小季之廬山

致酒行

長歌續短歌

公莫舞歌并序

昌谷北園新筍四首

惱公

感諷五首

吳詩目錄

李賀詩集
第三卷

三月過行宮

追和何謝銅雀妓

送秦光祿北征

酬答二首

畫角東城

謝秀才有妾縞練改從吟人秀才引畱之不
得後生感憶座人製詩嘲謝賀復繼四首

昌谷讀書示巴童

巴童答

代崔家送客

出城

莫種樹

將發

追賦畫江潭苑四首

潞州張大宅病酒遇江使寄上十四兄

難忘曲

賈公闈貴壻曲

夜飲朝眠曲

王濬墓下作

客遊

崇義里滯雨

馮小憐

贈陳商

釣魚詩

奉和二兄罷使遣馬歸延州

答贈

題趙生壁

感春

仙人

河陽歌

花遊曲 并序

春書

安樂宮

胡蝶飛

梁公子

以上鈔補

牡丹種曲

後園鑿井

開愁歌 筆下作

秦宮詩 并序

古鄴城童子謠 劾王粲刺曹操

楊生青花紫石硯歌

房中息

石城曉

苦晝短

章和二季中

春歸昌谷

昌谷詩 五月二十七作

次詩目錄

五

銅駝悲

自昌谷到洛後門

七月一日曉入太行山

秋涼詩寄正字十二兄

李賀歌詩
第四卷

艾如張艾音又見詩也

上雲樂

摩多樓子

猛廂行四言

日出行

苦篁調笑引

拂舞歌詞

夜坐吟

箜篌引又曰公無渡河

巫山高

平城下

江南弄

榮華樂一作東洛梁家謠

相勸酒

瑤華樂

北中寒

梁臺古愁

公無渡神門

神弦別曲

次詩目錄

綠水辭

沙路由

上之回

高軒過

韓自外愈皇甫侍御
湜見過因而命作

貝宮夫人

蘭香神女廟

三月中作

送韋仁實兄弟入關

洛陽城外別皇甫湜

溪晚涼

宮不來顯皇甫湜先輩廳

長平箭頭歌

江樓曲

塞下曲

深絲上春機

五粒小松歌

并序

塘上行

呂將軍歌

休洗紅

神絃曲

野歌

神絃

將進酒

美人梳頭歌

月漉漉篇

京城

官街鼓

許公子鄭姬歌鄭園中請賀作

新夏歌

題歸夢

經沙苑

出城別張又新酬李漢

集外詩

南園

感詠

夜來樂

有所思

歌詩編目錄終

假龍吟歌
莫愁曲
周少行
神仙曲
白門前
聽穎師琴歌

高平縣

崇倫使

上空九格下空五格

題低二格
題低二格

歌詩編第一

李憑箏篴引

隴鹵李賀

吳絲蜀琴張高繩空白一作凝雲頰不流江城曉竹素

女愁李憑中國彈箏篴崐山玉碎鳳皇叫芙蓉泣露

香蘭笑十二門肯融冷光二十三絲動紫皇女媧鍊

石補天處石破天驚逗穠雨夢入神山教神嫗老奩

跳波瘦蛟舞吳質不眠倚桂樹露脚斜飛溼寒兔

殘絲曲

密楊葉老鷺哺兒殘絲欲斷黃蠶歸綠鬢少年一作金

釵客縹粉壺中沉琥珀花臺欲算春辭太落花起作

迴風舞榆莢相催不知數沈郎青錢夾城路

序低二格後皆同

還自會稽歌

并序

庾肩吾於梁時嘗作宮體謠引呂應和皇子及國世
淪敗肩吾先潛難會稽後始還家僕意其必有遺文
今無得焉故作還自會稽歌呂補其悲

野粉林僻黃溼螢滿梁殿臺城應教人
纔衾夢銅輦吳霜點鬢鬢身與塘蒲晚
脈脈辭金奩羈臣守迤賤
出城寄權璩楊敬之

艸暖雲昏萬里春宮花拂面送行人
自言漢劍當飛太何事還車載病身

示弟猶

別第三季後還家十一日餘醪醑
今夕酒緦帙太時書病骨猶獨能
在人間底事無何須問牛馬拋擲
任臬盧

竹

入水文光動抽空綠影春露華生筍
逕苔色拂霜根織可承香汗裁堪釣
錦鱗三梁曾入用一節奉王孫
同沈駙馬賤得御溝水

入苑白泱泱宮人正鬻黃遶堤龍骨
冷拂岬鴨頭香別館驚殘夢停梧泥
小觴幸因流浪處暫得見何郎
始為奉禮憶昌谷山居

埽斷馬蹄痕衙迴一作自閉門長檜
一作江米熟小樹棗花春向壁懸
如意當簾閣角巾犬書曾太洛鶴病
悔遊秦土甌封茶葉山栝鑱竹根
不知船上月誰權滿溪雲

七夕

次詩卷一

七

別浦今朝暗羅帷
午夜愁鵲辭穿線
月花入曝衣樓
天上分金鏡
人間望玉鈎
錢塘蘇小小
更值一季秋

過華清宮

春月夜唳鷓鴣宮
簾隔御花雲
生朱絡暗石
斷紫錢斜
玉枕盛殘露
銀鐙點舊紗
蜀王無近信
泉上有芹芽

送沈亞之歌

并序

文人沈亞之
元和七季
呂書不中第
返歸於吳江
吾悲其行無錢
酒呂勞又感沈之勤
請乃歌一解
呂勞之

吳興才人怨春風
桃花滿陌千里紅
紫絲竹斷驄馬
小家住錢塘
東復東
白藤交穿織書笈
短策齊栽如
梵夾雄光寶礦
獻春卿
爐底鷲波乘一葉
春卿拾材

白日下擲置黃金
解龍馬攜笈歸江
重入門勞勞誰
是憐君者吾聞壯夫
重心骨古人三走無
摧挫請君待且且一作且
事長鞭他日還轅及秋律

詠懷二首

長卿懷茂陵
綠艸筵石井
彈琴看文君
春風吹鬢影
梁王与文帝
棄之如斷梗
唯畱一簡書
金泥太山頂
日夕著一作看書罷
驚霜落素絲
鏡中聊自笑
詎是南山期
頭上無幅巾
苦藥已深衣
不見清溪魚
飲水得自宜

追和柳惲

汀洲白蘋艸
柳惲乘馬歸
江頭檀一作檀樹香
岬上胡蝶飛
酒杯箬葉露
玉軫蜀桐虛
朱樓通水陌
沙暖一雙魚
春坊正字劍子歌

先輩匣中三尺水曾入吳潭斬龍子隙月斜明刮露
寒練帶平鋪吹不起蛟胎皮老疾藜刺鷓鴣萍花白
鷓尾直是荆軻一片心莫教獎見春坊字按綠團金
懸麗靱神光欲截藍田玉提出鹵方白帝驚嗷嗷鬼
母秋郊哭

貴公子夜闌曲

裏裏沉水煙烏鳥曉夜闌景曲沼芙蓉波胷圍白玉冷

雁門太守行

黑雲壓城城欲摧甲光向月金鱗開角聲滿天秋色
裏塞土燕脂凝夜紫半卷紅旗臨易水霜重鼓寒敵
不起報君黃金臺上意提攜玉龍爲君死

大堤曲

妾家住橫塘紅紗滿桂香青雲教縮頭上髻明月与
作耳邊璫蓮風起江畔春大堤上畱北人郎食鯉魚
尾妾食猩猩脣莫拍襄陽箭綠浦歸帆少今日菖蒲
花明朝楓樹老

蜀國絃

楓香晚花靜錦水南山影鷲石墜猿哀竹雲愁半額
涼月生秋浦玉沙粼粼光誰家紅淚客不忍過瞿塘
蘇小小歌

幽蘭露如嗁眼無物結同心煙花不堪翦艸如茵松
如蓋風爲裳水爲珮油辟車久相待冷翠燭勞光彩
鹵陵下音戶風吹雨

夢天

去兔寒蟾泣天色雲樓半開壁斜白玉輪軋露溼團
光鸞珮相逢桂香陌黃塵一作鹿清水三山下更變千季
如走馬遙望齊州九點煙一涵海水杯中瀉

唐兒歌 杜鵑公之子

頭玉硤硤眉刷翠杜郎生得真男子骨重神寒天廟
器一雙瞳人翦秋水竹馬梢梢搖綠尾銀鸞睽光踏
半臂東家嬌孌求對值濃笑畫一作畫空作唐字眼大心
雄知所已莫忘作歌人姓李

綠章封事 為吳道士夜醮作

青霓扣額呼宮神鴻龍玉狗開天門石榴花發滿溪
津溪漢作女洗花深白雲綠章封事諮元父六街馬蹏
浩無主虛空風氣不清冷短衣小冠作塵土金家香

街千輪鳴揚雄秋室無俗轂願攜漢戟招書鬼休令
恨骨填蒿里

河南府試十二月樂辭 并閏月

正月

上樓迎春新春歸暗香著柳宮漏遲薄薄淡靄弄野
姿寒綠幽風生短絲錦牀曉臥玉肌冷露臉未開對
朝暝官街柳帶不堪折早晚菖蒲勝綰結

二月

飲酒採桑津宜男艸生蘭笑人蒲如交劍風如薰勞
勞胡一作鷲鷲怨酣春薇帳逗煙生綠塵金翅裁髻愁算
雲沓颭起舞真珠羣津頭送別唱流水酒客背寒南
山歿

三月

東方風來滿眼春花城柳暗愁幾一作人複宮深殿一作
竹風起新翠舞衿淨如水光風轉蕙百餘里暖霧驅
雲撲天地軍裝宮妓掃蛾淺搖搖錦旗夾城暖曲水
漂香太不歸梨花落盡成秋苑

四月

曉涼算涼樹如蓋千山濃綠生雲外依微香雨青氛
氳膩葉蟠花照曲門金塘閤水搖碧漪老景沉重無
鷺飛隨紅殘葶暗參差

五月

雕玉押簾上額輕縠籠虛門井汲鉛華水扇織鴛鴦文
迴雪舞涼殿甘露洗空綠羅袖從徊翔香汗霑寶粟

六月

裁生羅伐湘竹帔拂疎霜簟秋玉炎炎紅鏡東方開
暈如車輪上裴徊啾啾赤帝騎龍來

七月

星依雲清冷露滴盤中圓好花生木末衰蕙愁空園
夜天如玉砌池葉極青錢僅獸舞衫薄稍知花簟寒
曉風何拂拂北斗光闌干

八月

霜妾怨長夜獨客夢歸家傷欄蟲緝絲向壁燈罨花
欄外月光吐簾中一作樹影斜悠悠飛露姿點綴池中荷

九月

離宮散螢天侶水竹黃池冷芙蓉歿月綴金鋪光脈

脈涼苑虛庭空澹白霜花飛飛風州州翠錦爛斑滿
層道雞人罷唱曉瓏瓏鷓鴣曉金井下疎桐霜一作露

十月

玉壺銀箭稍難傾缸花夜笑凝幽明碎霜斜舞上羅
幕燭龍兩行照飛閣珠帷怨臥不成眠金鳳刺衣著
體寒長眉對月鬪鸞鸞一作鸞環

十一月

宮城團迴凜嚴光白天碎碎隨瓊芳撾鐘高飲千日
酒一作戰卻天一作戰凝寒作君壽御溝泉合如環素火井溫泉
在何處

十二月

日脚澹光紅灑灑薄霜不銷桂枝下依稀和氣排冬

嚴已就長日辭長夜

閏月

帝重光一作重重時七十二候迴環推天官一作玉瑄一作瑄灰
剝飛今歲何長來歲遲王母移桃獻天子一作義氏和氏
遷一作遷龍轡

天上謠

天河夜轉漂迴星銀浦流雲學水敲玉宮桂樹花未
落仙妾采香疉珮纓秦妃卷簾北牕曉牕前植桐青
鸞小王子吹笙鸞管長呼龍畊煙種瑤州粉霞紅綬
藕絲裊青洲步拾蘭茗春東指羲和能走馬海塵新
生石山下

浩歌

南風吹山作平地帝遣天吳移海水王母桃花千遍
紅彭祖巫咸幾迴歿青毛驄馬參差錢嬌春楊柳含
細煙箏人勸我金屈卮神血未凝身問誰不須浪飲
丁都護世上英雄本無主買絲繡作平原君有酒唯
澆趙州土漏催水咽玉蟾蜍衛孺髮薄不勝梳看見
龜眉換新綠二十男兒那刺促

龜來

桐風驚心壯士苦衰燈絡緯啼寒素誰看青簡一編
書不遣花蟲粉空蝨息牽今夜腸應直雨冷香魂吊
書客秋墳鬼唱鮑家詩恨五千季土中碧

帝子歌

洞庭明月一千里涼風雁唳天在水九節菖蒲石上

死湘神彈琴迎帝子山頭老桂吹古香雌龍怨吟寒
水光沙浦走魚白石郎問取真珠擲龍堂明月一作帝子

秦王飲酒

秦王騎扁遊八極劍光照空天自碧羲和敲日玻璃
敲劫灰飛盡古今平龍頭瀉酒邀酒星金槽琵琶夜
棖棖洞庭雨脚來吹笙酒酣喝月使倒行銀雲櫛櫛
瑤殿明宮門掌事報一更花樓玉鳳聲嬌穉海綃紅
文香淺清黃鸞跌舞千季觥仙人燭樹蠟煙輕清琴
醉眼淚泫泫

洛姝真珠

真珠小孃下青廓一作洛苑香風飛綽綽寒鬢斜釵玉
鸞光高樓唱月敲懸璫蘭風桂露酒幽翠紅絃裏雲

咽深息花袍白馬不歸來濃蛾疊柳香脣醉金鴛屏
風蜀山夢鸞裾鳳帶行煙重八驄籠冕臉作差移日
絲絲散曛羅洞市南曲陌無秋涼楚冑衛鬢四時芳
玉喉窸窣排空光牽雲曳雪留陸郎

李夫人

紫皇宮殿重重開夫人飛入瓊瑤臺綠香繡帳何昨
歌青雲無光宮水咽翩聯桂花墜秋月孤鸞驚唬商
絲叢紅壁闌珊懸珮璫歌臺小妓遙相望玉蟾滴水
雞人唱露花蘭葉參差光

走馬引

我有辭鄉劍玉鋒堪截雲襄陽走馬客一作意氣自生春
朝嫌劍花淨莫嫌劍光冷能持劍向人不解持照身

湘妃

筠竹千季老不死長伴秦娥蓋湘水蠻娘吟弄滿寒
空九山靜綠淚花紅離鸞別鴛鴦梧中巫雲蜀雨遙
相通幽愁秋氣上青楓涼夜波間吟古龍

南園十三首

花枝艸蔓眼中開小白長紅越女腮可憐日暮媽香
落嫁与春風不用媒

宮北田塍曉氣酣黃桑飲露窳宮簾長冑健婦偷攀
折將餒吳王八繭蠶

竹裏繰絲拋網車青蟬獨噪日光斜桃膠迎夏香琥
珀自課越傭能種瓜

三十未有二十餘白日長飢小甲蔬橋頭長老相哀

念因遺戎韜一卷書

男兒何不帶橫刀一作吳鉤收取關山五十州請君暫上凌

煙閣若箇書生萬戶侯

尋章摘句老雕蟲曉月當簾挂玉弓不見年年遼海

上文章何處哭秋風

長卿牢落悲空舍曼倩恢諧取自容見買若耶溪水

劍明朝歸太事一作猿公

春水初生乳鶯飛黃鸝小尾撲花歸牕含遠色通書

幌負攤香鈎近石磯

泉沙輒臥鴛鴦暖曲岬迴一作回篙舫艤遲瀉酒木欄一作蘭

樹葉蓋病容扶起種菱絲

邊壤今朝憶蔡邕無心裁曲臥春風舍南有竹堪書

字老去溪頭作釣翁

長巖谷口倚嵇家白晝千峰去翠華自履藤鞋收石

蜜手牽苔絮長莖花

松溪黑水新龍卵桂洞生硝舊馬牙誰為虞卿裁道

帔輕綃一匹染朝霞

小樹開朝迳長葺溼夜煙柳花驚雪浦麥雨漲溪田

古剎疎鐘度遙嵐破月懸沙頭敲石火燒竹爨渙船

緊接詩後

與前卷末相接

李賀
歌詩編第一

歌詩編第二

金銅仙人辭漢歌 并序

魏明帝青龍元年八月詔宮官牽車鹵取漢孝武捧
 露盤仙人欲立置宵殿宮官既拆盤仙人臨載乃潛
 然淚下唐諸王孫李長吉遂作金銅仙人辭漢歌
 茂陵劉郎秋風客夜聞馬嘶曉無跡畫欄桂樹懸瓊
 香三十六宮土花碧魏官牽車指千里東關酸風射
 眸子空將漢月出宮門憶君清淚如鉛水衰蘭送客
 咸陽蒨天若有情天亦老攜盤獨出月荒涼渭城已
 遠波聲小

古悠悠行

白景歸鹵山碧華上一作迢迢今古何處盡千歲隨風飄

海沙變成石，魚沫吹秦橋。空光遠流浪，銅柱從季消。

黃頭郎

黃頭郎，撈攏去不歸。南浦芙蓉影，愁紅獨自罨。水弄湘娥珮，竹噓山露月。玉瑟調青門，石雲濕一作黃葛沙。上
靡蕪花穠，風已先發。好持掃羅薦，香出鴛鴦熱。

馬詩二十三首

龍脊貼連錢，銀蹄白踏煙。無人織錦韉，誰為鑄金鞭。
臘月艸根甜，天街雪侶鹽。未知硬軟先，擬羨藜街。
忽憶周天子，驅車上玉山。鳴騶辭鳳苑，赤驥最承恩。
此馬非凡馬，房星本是星。向肯敲瘦骨，猶自帶銅聲。
大漠沙如雪，燕山月似鉤。何當金絡腦，快走踏清秋。
飢臥骨查牙，麤毛刺破花。鬣焦朱色落，髮斷鋸長麻。

鹵母酒將闌，東王飯已乾。君王若燕去，誰為拽車轅。
赤兔無人用，當須呂布騎。吾聞果下馬，羈策任蠻兒。
颯然死忿忿，如今不豢龍。夜來霜壓棧，駮骨折鹵風。
催榜渡烏江，神騅泣向風。吾王今解劍，何處逐英雄。
內馬賜宮人，銀鞵刺騏驎。午時鹽坂上，蹭蹬溘風塵。
批竹初攢耳，柀花未上身。他時須攪陣，牽去借將軍。
寶玦誰家子，長聞俠骨香。堆金買駿骨，將送楚襄王。
香襍藉羅新，盤龍盛鐙鱗。迴看南陌上，誰肯不逢春。
不從桓公獵，何能伏虎威。一朝溝隴出，看取拂雲飛。
唐劍斬隋公，拳毛屬太宗。莫嫌金甲重，且去捉飈風。
白鐵剉青禾，碓間落細莎。世人憐小頸，金埒畏長牙。
伯樂向前看旋毛，在腹間。祇今培白艸，何日慕青山。

蕭寺馱經馬元從竺國來空知有善相不解走章臺
重圍如鷲尾寶劍侶負腸欲求千里脚先采眼中光
暫繫騰黃馬仙人上綵樓須鞭玉勒吏何事謫高州
汗血到王家隨鸞撼玉珂少君騎海上人見是青騾
帝愛神仙燒金得紫烟殿中皆肉馬不解上青天

申胡子鬻策歌

并序

申胡子朔客之蒼頭也朔客李氏本亦世家子得祀
江夏王廟當年踐履失序遂奉官北郡自稱學長調
短調久未知名今季四月吾與對舍於長安崇義里
遂將衣質酒命予合飲氣歎一作梧闌因謂吾曰李長吉
爾徒能長調不能作五字歌詩直強迴筆端與陶謝
詩勢相遠幾里吾對後請撰申胡子鬻策歌凡五字

斷句歌成左右人合噪相唱朔客大喜擎觴起立命
花孃出幕裴徊拜客吾問所宜稱善平弄於是巨弊
辭配穀與予爲壽

顏契感君酒含嚼蘆中穀花孃參綏妥休睡芙蓉屏
誰截太平管列點排空星直貫開花風天上驅行雲
今夕歲華落令人惜平生心事如波濤中坐時時驚
朔客騎白馬劍弣懸蘭纓俊健如生猿肯拾蓬中螢
老夫採玉歌

採玉採玉須水碧琢作步搖徒好色老夫飢寒龍爲
愁藍溪水氣無清白夜雨崗頭食蓂子杜鵑口血老
夫淚藍溪之水獸生人身死千季恨溪水斜山柏風
雨如嘯泉脚挂繩青裏裏邨寒白屋念嬌嬰古臺石

登懸腸州

傷心行

咽咽學楚吟病骨傷幽素秋姿白髮生木葉號風雨
鐙青蘭膏歇落翅飛蛾舞古壁生凝塵羈魂夢中語
湖中曲
長眉越沙採蘭若桂葉水蕙春漠漠橫船醉眠白晝
閒渡口梅風歌扇薄蕪釵玉股照青渠越王嬌郎小
字書蜀紙封巾報雲鬢晚漏壺中水淋盡

黃家洞

雀步蹙沙聲促促四尺角弓青石鏃黑幡三點銅鼓
鳴高作獵號搖箭箠綵布纏踣幅半斜溪頭簇隊映
葛花山潭晚霧吟白鼉竹虵飛蝨射金沙閒驅竹馬

緩歸家官軍自殺容州槎

并風曲

蜨棲石竹銀交關水凝綠鴨瑠璃錢團迴六曲抱膏
蘭將鬟鏡上擲金蟬沉香火暖茱萸煙酒觥綰帶新
承懽月風吹露屏外寒城上烏號楚女眠

南山田中行

秋野明秋風白塘水漻漻蟲嘖嘖雲根苔蘚山上石
冷紅泣露嬌啼色荒畦九月稻叉牙螿螢低飛隴逕
斜石脈水流泉滴沙鬼鐙如漆照松花

貴主征行樂

奚騎一作黃銅連鎖甲羅旗香榦金畫葉中軍留醉河
陽城嬌嘶紫鸞踏花行春營騎將如紅玉走馬梢鞭

上空綠女垣秦月角咿咿牙帳未開分錦衣

酒罷張大徹索贈時張初効潞幕

長鬣張郎三十一天遣裁詩花作骨往還誰是龍頭
人公主遣秉奩須笏太行青艸上白衫匣中章奏密
如蠶金門石閣知卿有豸角雞香早晚含隴鹵長吉
摧頽客酒闌感覺中區窄葛衣斷碎趙城秋吟詩一
夜東方白

羅浮山父一作人與葛篇

依依宜織江雨空雨中十月蘭臺風博羅老仙時出
洞千歲石林唬鬼工蛇毒濃吁洞堂溼江魚不食銜
沙立欲翦湘中一尺天吳娥莫道吳刀澀

仁和里雜叙皇甫湜湜新尉陸渾

大人乞馬癯乃寒宗人貸宅荒厥垣橫庭鼠逕空土
澀出籬大棗垂朱殘安定美人截黃綬脫落纓裾暝
朝酒還家白筆未上頭使我清一作敲落人後枉辱稱知
犯君眼排引纜陞強絙斷洛風送馬入長關闔扇未
開逢狹犬那知堅都相州州州客枕幽單看春老歸來
骨薄面無膏疫氣衝頭鬢莖少欲彫小說千天官宗
孫不調為誰憐明朝下元復鹵衙崆峒叙別長如天

宮娃歌

蠟光高懸照紗空花房夜擣紅守宮象口吹香髹毘
暖七星挂城聞漏板寒入呆愚殿影昏彩鸞簾額著
霜痕唬蛄弔月鉤欄下屈膝銅鋪鎖阿甄夢入家門
上沙渚天河落處長洲路願君光明如太陽放妾騎

魚撇波去

堂堂

堂堂復堂堂紅脫梅灰香十季粉蠹生畫梁飢蟲不
食推碎黃蕙花已老桃葉長禁院懸簾隔御光華清
源中礮石湯裴徊白鷺隨君王

勉愛行二首送小季之廬山

洛郊無俎豆弊廩慙老馬小雁過鑪峯影落楚水下
長船倚雲泊石鏡秋涼夜豈解有鄉情弄月聊鳴啞
別柳當馬頭官槐如兔目欲將千里別持我易斗粟
南雲北雲空脈斷靈臺經絡懸春綫青軒樹轉月滿
牀下國飢兒夢中見維爾之昆二十餘年來持鏡頗
有鬚辭家三載今如此索米王門一事無荒溝古水

光如刀庭南拱柳生蟬嘈江干幼客真可念郊原晚
吹悲號號

致酒行

零落棲遲一杯酒主人奉觴客長壽主父鹵遊困不
歸家人折斷門肯柳吾聞馬周筭作新豐客天荒地
老無人識空將牋上兩行書直犯龍顏請恩澤我有
迷魂招不得雄雞一鷄天下白少年心事當拏雲誰
念幽寒坐鳴呃

長歌續短歌

長歌破衣襟短歌斷白髮秦王不可見旦夕成內熱
渴飲壺中酒飢拔隴頭粟淒淒四月關千里一時綠
瘦峯何離離明月落石底裴徊沿石尋照出高峰外

不得与之遊歌成鬢先改

公莫舞歌

并序

公莫舞歌者詠項伯翼蒯劉沛公也會中壯士灼灼
於人故無復書且南北樂府率有歌引賀陋諸家今
重作公莫舞歌云

方花古礎排九楹刺豹淋血盛銀鬕華筵鼓吹無桐
竹長刀直立割鳴箏橫楸麤錦生紅緯日炙錦媽王
未醉霄下三看寶玦光項莊掉箭欄前起材官小臣
公莫舞座上真人赤龍子芒碭雲瑞抱天迴咸陽王
氣清如水鐵樞鐵捷重束關大旗五丈撞雙鑲漢王
今日須秦印絕贖剗腸臣不論

昌谷北園新筍四首

籜落長竿削玉開君看母筍是龍材更容一夜抽千
尺別卻池園數寸泥
斫取青光寫楚辭膩香春粉黑離離無情有恨何人
見露墜煙曉千萬枝
家泉十眼雨三莖曉看陰根紫脈生今季水曲春沙
上笛管新篁拔玉青
古竹老梢惹碧雲茂陵歸臥歎清貧風吹千畝迎雨
嘯鳥重一枝入酒樽

惱公

宋玉愁空斷嬌饒粉自紅歌聲春艸露門揜杏花叢
注口櫻桃小添眉桂葉濃曉奩粧秀靨夜帳減香筒
鈿鏡飛孤鵲江圖畫水荊陂陀梳碧鳳嫵裏帶金蟲

杜若含清露河蒲聚紫茸月分蛾黛破花合靨朱融
髮重疑盤霧霄輕乍倚風密書題荳蔻隱語笑芙蓉
莫鑲茱萸匣休開翡翠籠弄珠驚漢驚燒蜜引胡蠶
醉纈拋紅網單羅挂綠蒙數錢教姹女買藥問巴賚
勻臉安斜雁移鐙想夢熊腸攢非束竹肱急是張弓
晚樹迷新蜨殘蜺憶斷虹古時填渤海今日鑿崆峒
繡沓褰長幔羅袞結短封心搖如舞鶴骨出侶飛龍
井檻淋清漆門鋪綴白銅隈花開兔逕向壁印狐蹤
玳瑁釘簾薄琉璃疊扇烘象牀緣素柏瑤席卷香葱
細管吟朝幌芳醪落夜榼宜男生楚巷柈子發金墉
龜甲開屏澀鷲毛滲墨濃黃庭留衛瓘綠樹養韓馮
雞唱星懸柝鷓曉露滴桐黃娥初出座寵妹始相從

蠟淚垂蘭燼秋蕪埽綺櫳吹笙翻舊引沽酒待新豐
短珮愁填粟長絃怨削菘曲池眠乳鴨小閣睡娃僮
褥縫蓼雙綫鉤縮辮五總蜀煙飛重錦峽雨濺輕容
拂鏡羞温嬌薰衣避賈克負生玉藕下人在石蓮中
含水彎蛾翠登樓淚馬髮使君居曲陌園令住臨邛
桂火流蘇暖金爐細炷通春遲王子態鸞轉謝孃慵
玉漏三星曙銅街五馬逢犀株防膽怯銀液鎮心忪
跳脫看年命琵琶道吉凶王時應七夕夫位在三宮
無力塗雲母多方一作帶藥翁符因青鳥送囊用絳紗縫
漢苑尋官柳河橋閱禁鐘月明中婦覺應笑畫堂空

感誦五首

合浦無明珠龍洲無木奴足知造化力不給使君須

越婦未織作吳蠶始蠕蠕縣官騎馬來穉色虬紫鬚
 懷中一方板板上數行書不因使君怒焉得詣爾廬
 越婦拜縣官桑牙今尚小會待春日晏絲車方擲掉
 越婦通言語小姑具黃梁縣官踏食去簿吏復登堂
 奇俊無少年日車何躡躡我待紆雙綬遺我星星髮
 都門賈生墓青蠅久斷絕寒食搖揚天憤景長肅殺
 皇漢十二帝唯帝稱睿哲一夕信豎兒文明永淪歌
 南山何其悲鬼雨灑空艸長安夜半秋風前幾人老
 低迷黃昏逕裏裏青櫟澣月午樹無影一山唯白曉
 漆炬迎新人幽壙螢擾擾
 星盡四方高萬物知天曙已生須已養荷擔出門去君
 平久不反康伯循國路曉忠何說說闐闐千人語

石根秋水明石畔秋艸瘦侵衣野竹香蝻蝻垂葉厚
 岑中月歸來蟾光挂空秀桂露對仙娥星星下雲逗
 淒涼梔子落山壘泣清漏下有張仲蔚披書案將朽
 三月過行宮
 渠水紅絲擁御牆風嬌小葉學娥妝垂簾幾度青春
 老堪鑠千年白日長

李賀
歌詩編第二

李賀
歌詩編第三

追和何謝銅雀妓

龍西李賀

佳人一壺酒秋容滿千里石馬臥新煙憂來何所侶
歌聲且潛弄陵樹風自起長裾眩高臺淚眼看花机

送秦光祿北征

北虜膠堪折龜沙亂曉鼓聳髯胡頻犯塞驕氣侶橫霓
灞水樓船渡營門細柳開將軍馳白馬豪彥騁雄材
箭射攬槍落旗縣日月低榆稀山易見甲重馬頻嘶
天遠星光沒沙平州博葉齊風吹雲路火雪汗玉關泥
屢斷呼韓頸曾燃董卓臍太常猶舊寵光祿是新階一作
寶玦騏驎起銀壺狒狒唬柀花連馬發綵絮撲鞍來
呵臂懸金斗當脣注玉壘清蘇和碎蟻紫膩卷浮栝

虎韜先蒙馬負腸且斷犀趨趨
凶旅狗蹙頰北方奚
守帳燃香暮看鷹永夜棲黃龍
就別鏡青塚念陽臺
周處長橋役侯調短弄哀錢塘
階鳳羽正室擘鸞釵
內子攀琪樹羌兒奏落梅
今朝孽劍去何日刺蛟迴

鼎會二首

金奩公子夾衫長密裘
胛割玉一作方行處春風隨馬
尾柳花偏打內家香

雍州二月海池春御水
鷓鴣暖白蘋試問酒旗歌板
地今朝誰是拗花人

畫角東城

河轉曙蕭蕭鷓鴣飛
睥睨高帆長標越甸
壁冷桂吳刀
淡菜生寒日
鮪魚喫白濤
水花露抹額
旗鼓夜迎潮

謝秀才有妾縞練改從
於人秀才引畱之不得
後生感憶座人製詩
嘲謝賀復繼四首

誰知泥憶雲望斷
梨花春荷絲製機
練竹葉剪花裊
月明嗁阿姊
燈暗會良人也
識君夫婿金奩
挂在身

銅鏡立青鸞
燕脂拂紫綿
腮花弄暗粉
眼尾淚侵寒
碧玉破不復一作後
瑤琴重撥絃
今日非笮日
何人敢正看

洞房息不禁
蠶子作花心
灰暖殘香炷
髮冷青蟲
簪夜
遙燈燄短
睡熟小屏深
好作鴛鴦夢
南城罷擣碓

尋常輕宋玉
今日嫁文鴛
戟榦橫龍箴
刀環倚桂窓
邀人裁半袖
端坐據胡牀
淚溼紅輪重
樓烏上井梁

昌谷讀書示巴童

蟲響鏗光薄
宵寒藥氣濃
君憐垂翅客
辛苦尚相從

巴童答

巨鼻匡山褐尾眉入苦吟非君唱樂府誰識怨秋深

代崔家送客

汀葢柳陰下馬蹏白翩翩恐送隨行處盡何忍重揚鞭

出城

雪下桂花稀曉鳥被彈歸關水乘驢影秦風帽帶垂
入鄉試萬里無印自堪悲卿卿忍相問鏡中雙淚姿

莫種樹

園中莫種樹種樹四時愁獨睡南牀月今秋侶去秋

將發

東牀卷席罷護落將汀行作去秋白遙遙空日滿門肯路

追賤畫江潭苑四首

吳苑曉蒼蒼宮衣水濺黃小鬟紅粉薄騎馬珮珠長

路指臺城迴羅薰袴褶香行雲霑翠輦今日侶襄王

寶袂菊衣單萸花密露寒水光蘭澤葉帶重剪刀錢

角暖盤弓易鞞長上馬難淚痕霑寢帳勻粉熨金鞍

翦翅小鷹斜縮根玉鏃花鞦垂妝鈿粟箭箭釵釘文牙

鷩鷩唳深竹鷓鴣老溼沙宮官燒蠟火飛燼汗鉛華

十騎簇芙蓉宮衣小隊紅練香薰宋鶴尋箭踏盧龍旗

溼金鈴重霜乾玉鐙空今朝畫眉早不待景陽鐘

潞州張大宅病酒遇江使寄上十四兄

秋至昭關後當知趙國寒繫書隨短羽寫恨破長牋

病客眠清曉疎桐墜綠鮮城鷓鴣唳粉堞軍吹豎蘆烟
岬幘寒紗幌枯塘臥折蓮木牕銀跡畫石磴水痕錢

旅酒侵愁肺離歌繞懦絃詩封兩條淚露折一枝蘭
莎老沙雞泣松乾瓦獸殘覺騎燕地馬夢載楚溪船
枿桂傾長席鱸魴斫玳筵豈能忘舊路江島滯佳年

難忘曲

古詩有君家誠易知易知復難忘

夾道開洞門弱楊低畫戟簾影竹華起簫聲吹日色
逢蟬語繞妝鏡拂蛾學春碧亂繫丁香梢滿欄花向夕

賈公閣貴壻曲

朝衣不須長分花對袍縫嚶嚶白馬春滿腦黃金重
今朝香氣苦珊瑚澀難枕且要弄風人暖蒲沙上飲
鶯語踏簾鉤日虹屏中碧潘令在河陽無人歿芳色

夜飲朝眠曲

觴酣出座東方高膏橫半解星勞勞柳花一作鷓鴣公主

醉薄露毳花蕙圍氣玉轉濕絲牽曉水熟粉生香琅
玕紫夜飲朝眠斷無事楚羅之幃卧皇子

王濬墓下作

人間無阿童猶唱水中龍白州侵燿死穉黎遠地紅
古書平黑石神劍斷青銅耕勢負鱗起墳科馬鬣封
菊花垂溼露棘逕臥乾蓬松柏愁香澀南原幾夜風

客遊

悲滿千里心日暖南山石不謁承明廬老作平原客
四時別家廟三年去鄉國旅歌屢彈缺歸問時裂帛

崇義里滯雨

落莫誰家子來感長安秋壯年抱羈恨夢泣生白頭
瘦馬秣敗州雨沫飄寒溝南宮古簾暗溼景傳籤籌

家山遠千里雲脚天東頭憂眠枕劍匣客帳夢封侯

馮小憐

灣頭見小憐請上琵琶絃破得春風恨今朝直幾錢
裊垂竹葉帶鬢溼杏花煙玉冷紅絲重齊宮妾駕鞍

贈陳商

長安有男兒二十心已朽楞伽堆案肯楚辭繫肘後
人生有窮拙日暮聊飲酒祇今猶已塞何必須白首
淒淒陳述聖披褐鉏鉏豆學為堯舜文時人責衰偶
柴門車轍凍日下榆影瘦黃昏訪我來苦節青陽皺
大華五千仞劈地抽森秀秀古無寸尋一上戛牛斗
公卿縱不憐寧能鑱我口李生師太華大坐看白晝
逢霜作樸檉得氣為春柳禮節乃相去顛顛如芻狗

風雲直齊壇墨組貫銅綬臣妾氣態間唯欲承箕箒

夫天作眼何時開古劍庸一吼

釣魚詩

秋水釣紅蕖仙人待素書菱絲縈獨繭蒲米螯雙魚
斜竹垂清沼長綸貫碧虛餌懸春蜥蜴鈎墜小蟾蜍
詹子情無限龍陽恨有餘為看煙浦上楚女淚霑裾
奉和二兄罷使遣馬歸延州

空留三尺劍不用一丸泥馬向沙場去人歸故國來
笛愁翻隴水酒喜灑春灰錦帶休鷲雁羅衣尚鬪雞
還吳已渺渺入郢莫淒淒自是樵李樹何畏不成蹊

答贈

本作張公子曾名萼綠華沉香燼小像楊柳伴唬鷗

露重金泥冷盃闌玉樹斜琴堂沽酒客新買後園花

題趙生壁

大婦篔簹竹根中婦春玉屑冬暖拾松枝日燠坐蒙滅
木蘚青桐老石井水聲發曝背臥東亭桃花滿肌骨

感春

日暖自蕭條花悲北郭騷榆穿萊子眼柳斷舞兒膏
上幕迎神奠飛絲送百勞胡琴今日恨急語向檀槽

仙人

彈琴石壁上翻翻一仙人手持白鸞尾夜掃南山雲
鹿飲寒澗下負翹清海濱時時漢文帝書報桃花春

河陽歌

深羅衣秋藍難著色不是無心人為作臺邛客花燒

中渾城顏郎身已老惜許兩少年抽心侶春艸今日

見銀牌今夜烏玉謨牛頭高一尺隔坐應相見月從

東方來酒從東方轉觥船餽口紅蜜炬千枝爛

花遊曲并序

寒食日諸王妓遊賀入座因採梁簡文詩調賤花遊
曲与妓彈唱

春柳南陌態冷花寒露姿今朝醉城外拂鏡濃掃眉
煙溼愁車重紅油覆画衣舞裊香不暖酒色上來遲

春書

朱城報春更漏轉光蛩催蘭吹小殿艸細堪梳柳長
如練卷衣秦帝埽粉趙燕日含画幕蠶上羅薦平陽
花塢河陽花縣越婦搯機吳蠶作繭菱汀繫帶荷塘

倚扇江南有情塞北無恨

安樂宮

溪井桐鳥起尚服復作牽清水未盥邵陵瓜瓶中弄長翠
新成安樂宮宮如鳳皇翅歌迴蠟板鳴左館提壺使
綠絲悲水曲茱萸別秋子

胡蝶飛

楊花撲帳春雲熱龜甲屏風醉眼纈東家胡蝶鹵家
飛白騎少年今日歸

梁公子

蜃彩出蕭家本是菖蒲花南塘蓮子熟洗馬走江沙
御牋銀沫冷長筆鳳窠斜種柳營中暗題書賜館娃
牡丹種曲

蓮枝未長秦蘅老走馬馱金劔春州水灌香泥却月
盆一夜綠房迎白曉美人醉語園中燠晚華已散蝶
又闌梁王老去羅衣在拂袖風吹蜀國絃歸霞帔拖
蜀帳昏媯紅落粉罷承恩檀郎謝女眠何處樓庭月
明鶯夜語

後園鑿井

井上轆轤牀上轉水聲綠巖淺情若何荀奉倩城
頭日長向城頭住一日作千年不須流下去

開愁歌

華下作

秋風吹地百州乾華容碧影生晚寒我當二十不得
意一心愁謝如枯蘭衣如飛鷄馬如狗臨歧擊劍生
銅吼旗亭下馬解秋衣請貫宜陽一壺酒壺中喚天

雲不開白晝萬里閒淒迷主人勸我養心骨莫受俗
物相填狹

秦宮詩

并序

漢人秦宮將軍梁冀之嬖奴也秦宮得寵內舍故曰
驕名大噪於人予撫舊而作長辭呂馮子都之事相
為對望又云管有之詩

越羅衫袂迎春風玉刻騏驎膏帶紅樓頭曲宴仙人
語帳底吹笙香一作煙霧農人間酒暖春茫茫花枝入簾

白日長飛牕複前傳頭一作簪飲十一作午夜銅盤一作膝膩燭黃

禿衿小袖調鸚鵡紫繡麻霞一作暹踏哮屐斫桂燒金待

曉筵白鹿清蘇夜半一作來煮桐英永巷騎新一作珍馬內屋

溪一作珍屏生色畫開門爛用水衡錢卷起黃河向身瀉

皇天厄運猶曾裂秦宮一生花裏活鸞篋奪得不還
人醉睡一作臥氍毹滿堂月

古鄴城童子謠劾王粲刺曹操

鄴城中算塵起探黑丸斫文吏棘為鞭屨為馬團團
走鄴城下切玉劍射日弓獻何人奉相公扶轂來關
右兒香埽塗相公歸

楊生青花紫石硯歌

端州石工巧如神踏天磨刀割紫雲傭剗抱水含滿
脣暗灑萇弘冷血痕紗帷晝暖墨花春輕漚漂沫松
麝薰乾膩薄重立脚勻數寸光秋無日昏圓毫促點
巖靜新孔硯寬頑何足云

房中思

新桂如蛾眉秋風吹小綠行輪出門去玉鑿聲斷續
月軒下風露曉庭幽澀誰能事貞素臥聽莎雞泣

石城曉

月落大堤上女垣棲鳥起細露溼團紅寒香解夜醉
女牛渡天河柳煙滿城曲上客留斷纓殘蛾鬪雙綠
春帳依微蟬翼羅橫茵突金隱體花帳背輕絮鶴毛
起欲說春心無所侶

苦書短

飛光飛光勸爾一杯酒吾不識青天高黃地厚唯見
月寒日暖來煎人壽食熊則肥食蛙則瘦神君何在
太一安有天東有若木下置銜燭龍吾將斬龍足嚼
龍肉使之朝不得迴疲不得伏自然老者不灰少者

不哭何為服鮒黃金吞白玉誰侶任公子雲中騎碧
驢劉徹茂陵多滯骨羸政梓棺費鮑魚

章和二年中

雲蕭索田風拂拂麥芒如篲黍如粟關中父老百領
襦關東吏人乏詬租健犢春畊土膏黑菖蒲叢叢沿
水脈躬勤為我下田租百錢攜償一作賞絲桐客遊春漫
光塢花白野林散香神降席拜神得壽獻天子七星
貫斷姮娥歿

春歸昌谷

束髮方讀書謀身苦不早終軍未乘傳顏子鬚先老
天網信崇大矯士常怪怪逸目駢甘華羈心如荼蓼
早雲二三月岑岫相顛倒誰揭頰玉盤東方發紅照

春熱張鶴蓋兔目官槐小息焦面如病嘗膽腸侶絞
 京國心爛漫疲夢歸家少發軔東門外天地皆浩浩
 青樹驪山頭花風滿秦衛宮臺光錯落衰盡偏峰嶠
 細綠及團紅當路雜唬笑香氣下高廣鞍馬正華耀
 獨乘雞棲車自覺少風調心曲語形影祇身焉足樂
 豈能脫負擔刻鶴曾無地幽幽太華側老柏如建纛
 龍皮相排戛翠羽夏蕩掉驅趨委懽悴眈覽強容貌
 花蔓閔行軒穀煙暝深微少健無所就入門愧家老
 聽講依大樹觀書臨曲沼知非出柙虎甘作藏霧豹
 韓鳥處增繳湘儵在籠罩狹行無廓落壯士徒輕躁

昌谷詩

五月二十七日作

昌谷五月稻細青滿平水遙巒相翫疊頽綠愁墮地

光潔無秋絲

一作思

涼曠吹浮媚竹香滿淒寂粉節塗生

翠艸髮坐恨鬢光露泣幽淚層圍爛洞曲芳逕老紅

醉攢蟲鏤古柳蟬子鳴高邃大帶委黃葛紫蒲交狹

浹石錢差復藉厚葉皆蟠膩汰沙好坪白立馬印青字

晚鱗自遨遊瘦鵠暝單跼啾啾溼蝓殼咽源鷲濺起

紆緩玉真路

近武后巡幸路

神娥蕙花裏苔絮縈澗礫山實坐

頽紫小柏儼重扇肥松突丹髓鳴流走響韻壠秋拖

光穉鸞唱閨女歌瀑懸楚練帔風露滿笑眼駢巖雜

舒墜亂條迸石頰細頸喧鳥忘日脚掃昏翳新雲啟

華閱謚謚猷夏光商風衛清氣高眠服玉容燒桂祀

天几

谷与女山嶺阪相承山即蘭香神女上天處也遺几在焉

霧衣夜披拂眠壇夢真粹待駕

棲鸞老故宮柝壁圮

福昌宮在谷之東鴻瓏數鈴響羈臣發涼思

陰藤束朱鍵龍帳著魑魅碧錦帖花檉香衾事殘貴
 歌塵木在舞綵長雲侶珍作壞割繡段里俗祖風義
 隣凶不相杵疫病無邪祀鮎皮識仁惠州角知醜恥
 縣省司刑官戶乏詔祖吏竹藪添隋簡石磯引紉餌
 溪灣轉水帶芭蕉傾蜀紙岑色晃殼襟孤景拂錄事
 泉樽陶宰酒月眉謝郎妓丁丁幽鐘遠矯矯單飛至
 霞巘躬差莪危溜敲爭次淡蛾流平碧薄月眇陰悴
 涼光入澗岸廓盡山中意渙童下宵網霜禽竦煙翅
 潭鏡滑蛟涎浮珠噉魚戲蜃松瑤匣瑟螢星錦城使
 柳綴長縹帶篁掉短笛吹石根緣綠蘚蘆筍抽丹漬
 漂旋弄天影古檜拏雲辭愁月微帳紅冒雲香蔓刺
 芒麥平百井閒乘列千肆刺促成紀人好學鴟夷子

銅駝悲

落魄三月罷尋花太東家誰作送春曲洛岬悲銅駝
 橋南多馬客北山饒古人客飲盃中酒駝悲千萬春
 生世莫徒勞風吹盤上燭獸見樵株笑銅駝夜來哭

自昌谷到洛後明

元月大野白蒼岑竦秋門寒涼交月末露霰濛曉昏
 澹色結晝天心事填空雲嶺上千里風野竹蛇涎痕
 石澗東波敲雞叫清寒晨強行到都舍解馬投舊隣
 東家名廖者鄉曲傳姓辛杖頭非飲酒吾請造其人
 始欲南太楚又將鹵適秦襄王与武帝各自留青春
 聞道蘭臺上宋玉無歸覓縹緲兩行字螻螻蝨秋芸
 為探秦臺意豈命余負新

七月一日曉入太行山

一夕遶山秋香霧溘蒙萊新橋倚雲坂候蟲嘶露樸
洛南今已遠越衾誰為熟石氣何淒淒老莎如短鏃

秋涼詩寄正字十二兄

閉門感秋風幽姿任契濶大野生素空天地曠肅殺
光露泣殘蕙蟲響連夜發房寒寸輝薄迎風絳紗折
披書古芸馥恨唱華容歇百日不相知花光變涼節
弟兄誰念慮戕翰既通達青袍瘦白馬艸簡奏東闕
夢中相聚笑覺見半牀月長忠劇尋環亂憂抵覃葛

緊接詩後

李賀
歌詩編第三

歌詩編第四

龍西李賀

艾如張

艾音覓詩也

錦襜褕繡襜襦強強飲啄一作啄食哺爾雛隴東臥穉滿風
雨莫信龍一作良媒隴鹵太齊人織網如素空張在野田
一作春平碧中網絲漠漠無形影誤爾觸之傷首紅艾葉
綠花難剪刻中藏禍機不可測一作識

上雲樂

飛香走紅滿天春花龍盤盤上紫雲三千宮女列金
屋五十絃瑟海上聞天江碎碎銀沙路羸女機中煙
斷素煙素縫衣一作羸女機中織烟縷素斷烟素縫舞衣八月一日君肯舞

摩多樓子

玉塞去金人二萬四千里風吹沙作雲一時渡遼水

接前卷六空行

天白水如練甲絲雙串斷行行莫苦辛城月猶殘半
曉氣朔煙上趨趨胡馬蹏行人臨水別隔隴長東鹵

猛虎行四言

長戈莫春強弩莫真一作乳孫哺子教得生
擗舉頭爲城掉尾爲旌東海黃公愁見疲行衛逢騶虞牛哀不
平何用尺刀壁上雷鳴泰山之下婦人哭聲官家有
程吏不設聽

日出行

白日下崐崙發光如舒綵徒照葵藿心不照遊子悲
折折黃河曲日從中央轉暘谷耳曾聞若木眼不見
奈爾鑠石胡爲銷人羿彎弓屬矢那不中足令久不
得奔詎教晨光夕昏

苦皇調嘯一作

引

請說軒轅在時事伶倫采竹二十四伶倫采之自崑
丘軒轅詔遣中分作十二伶倫呂之正音律少軒轅
呂之調元氣當時黃帝上天時二十三管咸相隨唯
畱一管人間吹無德不能得此管此管沉埋虞舜祠

拂舞歌詞

吳娥聲絕天空雲閣徘徊門外滿車馬亦須生綠苔
樽有烏程酒勸君千萬壽全勝漢武錦樓上曉望晴
寒飲花露東方日不破天光無老時丹成作蛇乘白
霧千季重化玉井土從蛇作土二千載吳堤綠艸年
年在背有八卦稱神仙邪鱗頑甲滑腥涎

疲坐吟

踏踏馬蹏誰見過眼看北斗直天河
風羅幕生翠波鉛華笑妾顰青蛾
爲君起唱長相思簾外嚴霜皆
倒飛明星爛爛東方陸紅霞稍出
東南涯陸郎去矣乘班騅

筮篔引

又白公無渡河

公乎公乎提壺將焉如屈平沉湘不足慕徐衍入海
誠爲愚公乎公乎牀有菅席盤有魚北里有賢兄東
隣有小姑隴畝油油黍與葫瓦甌濁醪蟻浮浮黍可
食醪可飲公乎公乎其奈居君被髮奔流竟何如賢兄
小姑哭嗚嗚

巫山高

碧叢叢高插天大江翻瀾神曳燿楚魂尋夢蛩颯然
曉風飛雨生苔錢瑤姬一去一千季丁香筇竹唬老
猿古祠近月蟾桂寒柀花隨紅溼雲間

平城下

飢寒平城下夜夜守明月別劍無玉花海風斷鬢髮
塞長連白空遙見漢旗紅青帳吹短笛煙霧溼畫龍
日晚在城上依稀望城下風吹枯蓬起城中嘶瘦馬
僭問築城吏去關幾千里惟愁裏尸歸不憐倒戈歿

江南弄

江中綠霧起涼波天上疊巘紅嵯峨水風浦雲生老
竹渚暝蒲帆如一幅鱸魚千頭酒百斛酒中倒臥南
山綠吳歎越吟未終曲江上團團帖寒玉

榮華樂

一作東洛梁家謠

鳶肩公子二十餘齒編貝脣繳朱氣如虹蜺飲如建
瓠走馬疲歸叫嚴夏逕穿複衙遊榭房趨裘金玦雜
花光玉堂調笑金樓子臺下戲學邯鄲倡口吟舌話
稱女郎錦袿繡面漢帝苟得明珠十斛白璧一雙新
詔垂金曳紫光煌煌馬如飛人如水九卿六官皆望
履將迴日月先反掌欲作江河唯畫地峨峨帟冠上
切雲竦劍晨趨凌紫氛繡段千尋貽皂隸黃金百鎰
貺家臣十二門肯張大宅晴春燿起連天碧金鋪綴
日雜紅光銅龍鬣環侶爭力瑤姬凝醉臥芳席海素
籠牕空下隔丹穴取鴛克行庖饗饗如拳那足食金
蟾呀呀蘭燭香軍裝妓敲琅璫誰知花雨夜來過
但見池臺春艸長嘈嘈絃吹匝天開洪崖簫聲遠天

來天長一矢貫雙虬雲弋絕騁聒旱雷亂袖交竿管
兒舞吳音綠鳥學言語能教刻石平紫金解送刻毛
寄新兔三皇皇后七賢人五十校尉二將軍當時飛
去逐彩雲化作今日京華春

相勸酒

義和騁六轡晝夕不曾闕彈烏崦岷竹扶馬蟠桃鞭
蓐收旣斲翠柳青帝又造紅蘭堯舜至今萬萬歲數
子將爲傾蓋間青錢白璧買無端丈夫快意方爲歡
臞螭臞熊何足云會須鍾飲北海箕踞南山歌淫淫
管悵悵橫波好送雕題金人生得意且如此何用強
知元化心相勸酒終無輟伏願陛下鴻名終不歇子
孫綿如石上葛來長安車駢駢中有梁冀舊宅石崇

故園

瑤華樂

穆天子走龍媒八纒冬瓏逐天迴五精埽地凝雲開
 高門左右日月環四方鐸鏤稜層殷舞霞垂尾長盤
 珊江澄海淨神母顏施紅點翠炤虞泉曳雲拖玉下
 崑山列旆如松張蓋如輪金風殿秋清明發春八鑿
 十乘蠹如雲屯瓊鍾瑤席甘露文玄霜絳雪何足云
 薰梅染柳將贈君鉛華之水洗君骨与君相對作真
 質

北中寒

一方黑炤三方紫黃河冰合負龍灰三尺木皮斷文
 理百石強車上河水霜花艸上大如錢揮刀不入迷

蒙天爭潛海水飛凌喧山瀑無聲玉虹懸

梁臺古愁

梁王臺沼空中立天河之水夜飛入臺肖鬪玉作蛟
 龍綠粉埽天愁露溼撞鐘飲酒行射天余帟盛裘噴
 血斑朝朝算算愁海翻長繩繫日樂當季芙蓉凝紅
 得秋色蘭臉別春曉脈脈蘆洲客雁報春來寥落野
 篁秋漫白

公無出門

天迷迷地密密熊虺食人魂雪霜斲人骨嗾犬信信
 相索索舐掌偏宜佩蘭客帝遣乘軒楚自息玉星點
 劍黃金軛我雖跨馬不得還歷陽湖波大如山毒虬
 相視振金環狻猊猥獠吐嚙涎鮑集一世披艸眠顏

回十九鬢毛班顏回非血衰鮑集不違天天畏遭銜
齧所召致之然分明猶懼公不信公看呵壁書問天

神絃別曲

巫山小女隔雲別春風松花山上發綠蓋獨穿香徑
歸白馬花竿肯子子蜀江風澹水如羅隨蘭誰沈相
經過南山桂樹為君歿雲衫淺汗紅脂花

綠水辭

今宵好蛩月阿戾在何處為有傾人色翻成足愁苦
東湖採蓮葉南湖拔蒲根未持寄小姑且持感愁魂

沙路曲

柳臉一作陰半眠丞相樹珮馬釘鈴踏沙路斷燼遺香裏翠
煙燭騎鳴嗥一作嗥上天太帝家玉龍開一作從九關帝肯動

笏移一作稱南山獨坐重印押千官金窠一作科篆字紅屈盤

沙路歸來聞好語旱火不光天下雨

上之回

上之回大旗喜懸紅雲撻鳳尾劍匣破舞蛟龍蚩尤
灰鼓蓬蓬天高慶雷齊墜地地無驚煙海千里

高軒過

韓員外愈皇甫侍御
湜見過因而命作

華裾織翠青如葱金環鞞轡搖冬瓏馬蹏隱耳殷隆
隆入門下馬氣如虹云是東京才子文章公一作文二十八宿

羅心胷一作元九精炤耀一作元貫當中殿肯作賤聲摩空筆

補造化天無功龐眉書客感秋蓬誰知歿艸生華風
我今坐翅附冥鴻他日不羞蛇作龍

貝宮夫人

丁丁海女弄金環雀釵翹揭雙翅關六宮不語一生
闕高懸銀燭炤青山長眉凝綠幾千季清涼堪老鏡
中鸞秋肌稍覺玉衣寒空光帖妥水如天

蘭香神女廟

三月中作

古春季季在闕綠搖暖雲松香飛晚華柳渚含日昏
沙砌落紅滿石泉生水芹幽篁畫新粉蛾綠橫曉門
弱蕙不勝露山秀愁空春舞珮剪鸞翼帳帶塗輕銀
蘭桂吹濃香菱藕長芊芊看雨逢瑤姬乘船值江君
吹簫飲酒醉結綬金絲袞走天呵白鹿遊水鞭錦鱗
密髮虛鬟飛膩靨凝花勻團鬢分蛛巢穠眉籠小脣
弄蜨和輕妍風光怯暑身溪幃金鴨冷奩鏡幽鳳塵
踏霧乘風歸撼玉山上聞一作門

送韋仁實兄弟入關

送客飲別酒千觴無赭顏何物最傷心馬首鳴金鏤
野色浩無主秋明空曠間坐來壯膽破斷目不能看
行槐引鹵道青梢長攢攢韋郎好兄弟疊玉生文翰
我在山上舍一畝蒿磽田夜雨叫租吏春聲暗交關
誰解念勞勞蒼突唯南山

洛陽城外別皇甫湜

洛陽吹別風龍門起斷燼冬樹東生澀晚紫凝華天
單身野霜上疲馬飛蓬間凭軒一雙淚奉墜綠衣肯
溪晚涼

白狐向月號山風秋寒埽雲留碧空玉燵青溼白如
幢銀灣曉轉流天東溪汀眠鷺夢征鴻輕連不語細

游溶層岫迴岑復疊龍苦篁對客吟歌筒

官不來顯皇甫湜先輩廳

官不來官庭秋老桐鎔幹青龍愁書司暫佐走如牛
疊聲問佐官來不官不來門幽幽

長平箭頭歌

漆灰骨末丹水沙淒淒古血生銅花白翎金鞞雨中
盡直餘三脊殘狼身我尋平原乘雨馬驛東石田蒿
塢下風長日短星蕭蕭黑旗雲溼懸空疲左魂右魄
嗥肌瘦酪瓶倒盡將羊炙蟲棲雁病蘆筍紅迴風送
客吹陰火訪古沈瀾收斷鏃折鋒赤墜曾封肉南陌
東城馬上兒勸我將金換簾竹

江樓曲

樓背流水江陵道鯉魚屈起芙蓉老曉釵催鬢語南
風抽帆歸來一日功鼉吟浦口飛梅雨竿頭酒旗換
青苧蕭騷浪白雲差池黃粉油衫寄郎主新槽酒聲
苦無力南湖一項菱花白眼肯便有千里愁小玉開
屏見山色

塞下曲

胡角引北風薊門白冷水天含青海澣城頭月千里
露下旗濛濛寒金鳴夜刻蕃甲鎖蛇鱗馬嘶青塚白
秋靜見旄頭沙遠席羈愁悵北天應盡河聲出塞流

染絳上春機

玉甕汲水桐花井舊絲沈水如雲影美人懶態燕脂
愁春梭拋擲鳴高樓綵線結茸背復疊白袷玉郎寄

批葉為君批鸞作費綬願君處處宜春酒

五粒小松歌 并序

肯謙秀才杜雲卿命予作五粒小松歌予曰選書多事不治曲辭經十日聊道八句曰當命意

蛇子蛇孫鱗蛇蛇新香幾粒洪崖飯綠波浸葉滿濃光細束龍髯鉸刀翦主人壁上鋪州圖主人堂肯多俗儒月明白露秋淚滴石筍溪雲肯寄書

塘上行

藕花涼露溼花缺藕根澀飛下雌鴛鴦塘水聲溘溘

呂將軍歌

呂將軍騎赤兔獨攜大膽出秦門金粟堆邊哭陵樹北方逆氣汗青天劍龍夜叫將軍閑將軍振袖揮劍

鍔玉闕朱城有門閣榼榼銀龜搖白馬傅粉女郎火旗下恒山鐵騎請金槍遙聞簾中花箭香鹵郊寒蓬葉如刺皇天親一作新栽養神驥廐中高桁排蹇蹶飽食青芻飲白水圓蒼低迷蓋張地九州人事皆如此赤山秀鋌禦時英綠眼將軍會天意

休洗紅

休洗紅洗多紅色淺卿卿騁少季昨日殷橋見封侯早歸來莫作弦上箭

神絃曲

鹵山日沒東山昏旋風吹馬馬踏雲畫絃素管聲淺繁花裙萃蔡一作塵步秋塵桂葉刷風桂墜子青狸哭血寒狐死古壁彩蚪金帖尾雨工騎入秋潭水百季

此首次公無出門後

此首次休洗紅液

老鴉成木魅笑靨碧火巢中起

野歌

亞翎羽箭山桑弓仰天射落銜蘆鴻麻衣黑肥衝北
風帶酒日晚歌田中男兒屈窮心不窮枯榮不等嗔
天公寒風又變為春柳條條看即煙濛濛

神經

女巫澆酒雲滿空玉爐炭火香蓼蓼海神一作寒雷山鬼來
座中紙錢窸窣鳴颼風相思木帖金舞鸞攢蛾一唳
重一彈呼星召鬼歆楮盤山魅食時人森寒終南日
色低平灣神兮長在無間神嗔神喜師更顏送神
萬騎還青山

將進酒

此首次野歌後

琉璃鍾琥珀濃小槽酒滴真珠紅烹龍炮鳳玉脂泣
羅屏一作幃繡幕圍春風吹龍笛擊鼉鼓皓齒歌細腰舞
況是青春日將暮桃花亂落如紅雨勸君終日酌酹
醉酒不到劉伶墳上土

美人梳頭歌

鹵施曉夢綃帳寒香鬟墮半沉檀轆轤咿啞轉鳴
玉驚起芙蓉睡新足雙鸞開鏡秋水光解鬟臨鏡立
象牀一編香絲雲撒地玉釵落處無聲膩纖手卻盤
老鷄色翠滑寶釵簪不得春風爛熳一作漫惱嬌慵十八
鬟多無氣力妝成髮鬢欹不斜雲裾數步踏雁沙背
人不語向何處下階自折櫻桃花

月漉漉篇

次詩卷四

月漉漉波煙玉沙青桂花綠芙蓉別江木粉態袂羅
寒雁羽鋪煙溼誰能看石帆乘船鏡中入秋白鮮紅
歿水香蓮子齊挽菱隅歌袖綠刺眉銀泥

京城

驅馬出門意牢落長安心兩事誰向道自作秋風吟

官街鼓

曉鼓隆隆催轉日算鼓隆隆呼月出漢城黃柳映新
簾栢陵飛燕埋香骨礎發千季日長白季秦王聽
不得從君翠髮蘆花色獨笑南山守中國幾迴天上
葬神仙漏鼓相將無斷緣

許公子鄭姬歌

鄭園中請賀作

許史世家外親貴宮錦千端買沉醉銅駝酒熟烘明

膠古堤大柳煙中翠桂開客花名鄭袖入洛聞一作香
鼎門口先將芍藥獻妝臺後解黃金大如斗莫愁簾
中許合歡清絃五十為君彈彈鼓咽春弄君骨骨興
牽人馬上鞍兩馬八蹏踏蘭苑情如合竹誰能見疲
光玉枕棲鳳皇袷羅當門刺純綫長翻蜀紙卷明君
轉角含商破碧雲自從小鬻來東道曲裏長眉少見
人相如塚上生穉柏三秦誰是言情客蛾鬟醉眼拜
諸宗為謁皇孫請暫植

新夏歌

曉木千籠真蠟綵落帶枯香數分在陰枝拳身卷縹
茸長風迴氣扶葱籠野家麥畦上新壠長吟衰個桑
柘重刺香滿地菖蒲州雨梁鸞語悲身老三月搖揚

入河道天濃地穠柳梳婦

題歸夢

長安風雨夜書客夢昌谷怡怡中堂笑小弟栽澗菜
家門厚重意望我飽飢腹勞勞一寸心燈花炤魚目

經沙苑

野水汎長瀾宮身開小菑無人柳自春艸渚鴛鴦暖
晴嘶臥沙馬老太悲曉展今春還不歸塞嚶折翅雁

出城別張又新酬李漢

李子別上國南山崆峒春不聞今夕鼓差慰煎情人
趙壹賤命薄馬卿家業貧鄉書何所報紫蔽生石雲
長安玉桂國戟帶披戾門慘陰地自光寶馬踏曉昏
臘春戲艸苑玉輓鳴驪麟綠網緹金鈴霞卷清池澹

開貫瀉蚨母買水

一作冰

防夏蠅時宜裂大袂劍客車盤

茵小人

如灰

心切

生秋榛皇圖跨四海百姓拖長

紳光明靄不發要龜徒翫銀吾將譟禮樂聲調摩清

新欲使十千歲帝術如飛神華實自蒼老流采長傾

湓沒沒暗齧舌涕血不設論今將下東術祭酒而別

秦六郡無勦兒長刀誰拭塵地理陽無正快馬遂服

轅二子美年少調道講清渾譏笑斷冬夜家庭竦篠

穿曙風起四方秋月當東懸賤詩面投擲悲哉不遇

人此別定霑臆越布先裁巾

距詩後行

李賀
歌詩編第四終

集外詩目錄

南園

假龍吟歌

感諷六首

莫愁曲

疫來樂

嘲雪

春懷引

白馬行

有所思

啁少年

高平縣東私路

神仙曲

龍夜吟

崑崙使者

白門尚

漢唐姬飲酒歌

聽穎師琴歌

謠俗

集外詩目錄終

集外詩

南園

方領蕙帶折角巾杜若已老蘭若春南山削秀藍玉
合小雨歸太飛涼雲歎杏暖香梨葉老艸梢一作蒲竹柵
鑠池痕一作滑鄭公鄉老開酒尊坐汎楚奏一作酒吟招魂

假龍吟歌

石軋乾銅栝吟詠枯瘁蒼鷹一作鸞擺血白鳳下肺桂子
自落雲弄車蓋木灰沙崩惡谿島阿母得仙今不老
窻中跳汰截清涎隈墀臥水埋金瓜崖蹬蒼苔一作蒼吊
石髮江君揜帳篔簹折蓮花太國一千季雨後聞腥
猶帶鐵

感諷詞六首

門下空三格

人間春蕩蕩，帳暖香揚揚。飛光染幽紅，誇嬌來洞房。
 舞席泥金蛇，桐竹羅花牀。眼逐春暝醉，粉隨淚色黃。
 王子下馬來，曲沼鳴鴛鴦。馬知腸車轉，一夕巡九方。
 苦風吹朔寒，沙驚秦木折。舞影逐空天，畫鼓餘清節。
 蜀書秋信斷，黑水朝波咽。嬌魂從回風，死處懸鄉月。
 雜雜胡馬塵，森森邊士戟。天教胡馬戰，曉雲皆血色。
 婦人攜漢卒，箭箠囊中慙。不慙金印重，踉蹌胛韃力。
 恂鄉門老，昨夜試鋒鏑。走馬遣書勳，誰能分粉墨。
 青門一作鳥放彈去，馬色連空郊。何季帝家物，玉裘鞍
 上搖去去。走犬歸來來，坐烹羔千金。不了饌，一作肉稱
 盤。臊試問誰家子，乃老一作能佩刀。鹵山白蓋下，賢雋
 寒蕭蕭。

曉菊泣一作寒露，侶悲團扇。風秋涼，經漢殿。班子泣，衰
 紅本無辭。輦意豈見入空宮，胛被珮珠斷。灰蛭生陰
 松。

蛭一作飛紅粉，臺柳埽吹笙。前十日懸戶庭，九瓠無衰
一作素艸調歌送，風轉梧池白。魚小水宴截，香腹菱科映。
 青罩羊蒙一作葺，利木花滿春。昏弄長嘯一作唯愁，苦花落
 不悞。世衰到撫舊，唯銷一作傷魂。南山坐悲峭。

莫愁曲

艸生龍坡下，鷓噪城堞頭。何人此城裏，城角栽石榴。
 青絲繫五馬，黃金絡雙牛。白魚駕蓮船，夜作十里遊。
 歸來無人識，暗上沉香樓。羅牀倚瑤瑟，殘月傾簾鉤。
 今日槿花落，明朝桐樹秋。莫負平生意，何名何莫愁。

夜來樂

紅羅複帳金塗蘇華燈九枝懸鯉魚麗人映月開銅
鋪春水滴酒猩猩沽重一篋香十株赤金瓜子兼雜
麩五絲封青鳧阿侯此笑千萬餘南軒漢轉簾影疎
桐林啞啞挾子烏劍崖鞭節青石珠白騮吹湍凝霜
鬚漏長送珮承胡盧倡樓差我明月孤新客下馬故
客太綠蟬秀黛重拂梳

嘲雪

昨日發葱嶺今朝下蘭渚喜從千里來亂笑含春語
一作雨龍沙溼漢旗鳳扇迎秦素久別遼城鶴毛衣已應
故

春懷引

芳蹊密影成花洞柳結濃煙花帶重蟾蜍碾玉挂明
弓捍撥裘金打仙鳳寶枕垂雲選春夢鈿合碧寒龍
腦凍阿侯繫錦覓周郎憑仗東風好相送

白帟行

火烏日暗歔騰雲秦王席視蒼生群燒書滅國無暇
日鑄劍佩玦惟將軍玉壇設醮思冲天一世二世當
萬季燒丹未得不死藥拏舟海上尋神仙鯨魚張鬣
海波沸畊人半作征人鬼雄豪氣猛如燄煙無人為
決天河水誰最苦兮誰最苦報人義士深相許漸離
擊筑荆卿歌荆卿把酒燕丹語劍如霜兮膽如鐵出
燕城兮望秦月天授秦封祚未作終衰龍衣點荆卿血
朱旗卓地白帟歟漢皇知是真天子

有所思

太年陌上歌離曲今日君書遠遊蜀簾外花開二月
風臺肯淚滴千行竹琴心与妾腸此夜斷還續想君
白馬懸雕弓世間何處無春風君心未肯鎮如石妾
顏不久如花紅夜殘高碧橫長河河上無梁空白波
鹵蜃未起悲龍梭季季織素攢雙蛾江山迢遞無休
絕淚眼看燈乍明滅自從孤館深鎖窗桂花幾度圓
還缺鷓鴣向曉鳴森木蜃過池塘響鼓玉白日蕭條
夢不成橋南更問仙人卜

啁少季

青驄馬肥金鞍光龍腦入縷羅衫香美人狹座飛瓊
觴貧人喚云天上郎別起高樓臨碧篠絲曳紅鱗出

溪沼有時半醉百花肯背把金丸落飛鳥自說生來
未爲客一身美妾過三百豈知劓地種苗家官稅頻
催勿人織長得積玉誇豪毅每揖閔人多意氣生來
不讀半行書只把黃金買身貴少季安得長少季海
波尚變爲桑田榮枯遞傳急如箭天公不肯於公偏
莫道韶華鎮長在髮白面皺專相待

高平縣東私路

侵侵榭葉香木花滯寒雨今夕山上秋永謝無人處
石磯遠荒澀棠實懸辛苦古者定幽尋呼君作私路

神仙曲

碧峰海面藏靈書上帝揀作神仙居清明笑語聞空
虛鬪乘巨浪騎鯨魚春羅書字邀王母芙蓉紅樓最

溪處鶴羽衝風過海遲不如却使青龍太猶疑主母
不相許
幽露娃鬟更傳語

龍夜吟

鬢髮胡兒眼睛綠高樓夜靜吹橫竹一轂侶向天上
來月下美人望鄉哭直排七點星藏指暗合清風調
宮徵蜀漸秋溪雲滿林湘江半夜龍驚起玉堂美人
邊塞情碧窗皓月愁中聽寒砧能擣百尺練粉淚凝
珠滴紅線胡兒莫作隴頭吟隔牕暗結愁人心

崑崙使者

崑崙使者無消息茂陵煙樹生愁色金盤玉露自淋
漓元氣茫茫收不得麒麟背上石文裂虬龍鱗下紅
枝折何處偏傷萬國心中天疲久高明月

白門肯

白門肯大樓喜懸虹雲捷龍尾劍匣破舞蛟龍蚩尤
夙鼓龍蓬蓬蓬天齊慶雷墮地無驚飛海千里

漢唐姬飲酒歌

御服沾霜露天衢長綦棘金隱秋塵婆婆無人為帶飾

玉堂歌嚴寢芳林煙樹隔雲陽臺上歌鬼哭復何益

鐵劍明光光至兇威屢逼彊梟噬母心犇厲索人魄

相看兩相泣淚下如波激寧用清酒為欲作黃泉客

一作不說玉山頽且無飲中色勉從天帝訴天上寡沈

厄無處張總帷如何望松柏妾身晝團團君魂夜寐

寐蛾眉自覺長頸粉誰憐白矜持昭陽意不肯看南

陌

無此首

長十寺

聽穎師琴歌

別浦雲歸桂花渚蜀國絃中雙鳳語芙蓉葉落秋鸞
離越王疲起遊天姥暗珮清臣敲水玉渡海蛾眉牽
一作白鹿誰看扶劍赴長橋誰看浸髮頭春竹竺僧肯
立當吾門梵宮真相眉稜尊古琴大軫長八尺嶧陽
老樹非桐孫涼館聞絃驚病客藥囊暫別龍鬚席
請歌直一作請卿相歌奉禮官卑復何益

謠俗

上林胡蝶小試伴漢家君在飛向南城去誤落石榴羣
脈脈花滿樹翩翩燕遶雲出門不識路羞問陌頭人
看李長吉集外詩二十三篇南國一篇第一卷所脫
感諷六篇第二卷所脫餘十六篇當附於第四卷

家下一字注改不可辨
墨筆改作春字

補遺

靜女春暈曲

嫩蝶憐芳抱新葉
露枝枝滴天淚粉窗香咽
顏曉雲錦堆花密藏春
腰

分明呼婢子
半匣水一隻
高鸞逐煙

少年樂地

芳草落花如錦
遊醉柳裏紅纓不動
白馬驕垂柳金絲香拂水
吳娥未笑花不開
綠鬢倚醉牽羅袂
奪得寶釵金翡翠

後賀鑄氏得於梁鐸氏大觀戊子冬居吳門并取
諸本手為較定鮑欽止書

余韶季於莊樂舅氏流憩舟中見李長吉詩會稽
本誦之不能釋手句之而題廿季來出入衷袖敝
若砌葍腐艸但病其評注多雜眩真復齋園園職
識之疑繼獲臨安陳氏本如勉愛行二首離為三
首神絃別曲神絃曲神絃三處合編一處詮次倒
真又如空白疑雲過不流誤作空山凝雲杜若已
老蘭茗春誤作繭茗春泣露嬌啼色誤作帝色向
鐸印狐蹤誤作孤蹤云二一釐正既而復見鮑
欽止手定本無論白門前大樓喜一篇得未曾齋
如碧玉破不復陳本作破瓜後柳臉半眠丞相對

陳本作柳陰之類雖同是宋版不啻涇渭之迴別
第摩多樓子作棲子試伴漢家君佐漢家書此又
鮑本白璧微瑕矣倘古破錦囊中所藏不遭混中
之厄盡出鮑氏手眼李藩侍郎不稱大快耶琴川
毛晉識

据杜牧之敘云歌詩離爲四編凡二百二十三首
今攷鮑欽止手定本四卷所載共二百二十首又
集外詩二十三首已多二十首矣何流傳至北宋
大觀戊子冬者反多於唐太和五年冬沈子明授
杜牧之者耶豈賀鑄氏得于梁鐸氏者或舛贗鼎
耶抑魘鬼有靈復爾流布人間耶毛晉又識

集外詩終

按讀書敏求記載歌詩編四卷外詩一卷鮑
欽止家本臨安府柵前北睦親坊南陳宅經
籍鋪印行瞿氏藏書志影宋抄書柵本亦
有外詩外詩出於鮑欽止家則臨安陳氏本
即鮑欽止本無可疑者子晉跋以陳本別於
鮑本誤矣傳火後張君菊生借得舊刻本
屬余校勘一過其本題李長吉詩集有集外詩

陳本在柳陰之類雖同是宋版不啻涇渭之迴別
第摩多樓子作棲子試伴漢家君作漢家書此又
鮑本白璧微瑕矣倘古破錦囊中所藏不遭混中
之厄盡出鮑氏手眼李藩侍郎不稱大快耶琴川
毛晉識

据杜牧之敘云歌詩離為四編凡二百二十三首
今攷鮑欽止手定本四卷所載共二百二十首又
集外詩二十三首已多二十首矣何遜傳至北宋
大觀戊子冬者反多於唐太和五年冬沈子明授
杜牧之者耶豈賀鑄氏得于梁鐸氏者或奇贗鼎
耶抑廁鬼有靈復爾流布人間耶毛晉又識

集外詩終



按讀書敏求記載歌詩編四卷外詩一卷鮑
欽止家本臨安府棚前北睦親坊南陳宅經
籍鋪印行瞿氏藏書志影宋抄書棚本亦
有外詩外詩出於鮑欽止家則臨安陳氏本
即鮑欽止本無可疑者子晉跋以陳本別於
鮑本誤矣傅大從張君菊生借得舊刻本
屬余校勘一過其本題李長吉詩集有集外詩

每頁十八行，十八字，黑口版，大行疏審字體，斷是
明初刊校。此本异字甚多，如子音所舉，瑕瑜或
然，或否，蓋自南宋以來，唐人集版刻獨夥，又不
盡守舊來面目。後之人欲溯流尋源，亦甚難矣。
集外詩白門前一首，即卷四上之回易首二句，餘
字小有異同耳。明本竟刪之，是矣。然又不符
鮑氏所云二十三篇之數，補遺二首，亦不知何據。
增入蕪傳文他日更遇善本，仍以校勘之。後見
屬以祛吾疑。癸丑十月十八日校畢，置案頭，忽更
歲甲寅正月廿四日重閱一過，附識數語，以誌吳慈
培。

近世宗室城李李賀歌詩編，恨佩伯不及見，展翫遺墨，
歛息弥襟。後甲午戊午七月，仁和吳昌綬附志。

